

## ԳՐԱՐԱՐԻ ԲԱՅԱԿԱՆ ԱՆԴԵՄ ՆԱԽԱԴԱՍՈՒԹՅՈՒՆՆԵՐԸ

### ԳՈՒՐԳԵՆ ԽԱՋԱՏՐՑԱՆ

Հայերենի դերբայները շարահյուսական մակարդակում բաժանվում են կախյալ և անկախ խմբերի<sup>1</sup>։ Ինչպես ժամանակակից հայերենում, գրաբարում ևս անորոշ դերբայն իր բնույթով անկախ է (օժանդակ բայի հետ դիմա-թվային հարացույց չի կազմում) և, բնական է, որ պարզ ասորոգյալ ձևավորել չի կարող։ Որպես շարահյուսական անկախ իրողություն, գրաբարյան անորոշ դերբայը նախադասության մեջ կարող է կատարել՝ ա) ենթակայի [«Եւ ի դուր է ճանարտակելն նոցա» (Եզն., 214), «Զար և դառն եղև թեզ քոզովն դիս» (Աղաթ., 150)], բ) ներպատակի պարագաչի [«Առաքէ հրեշտակս առ Արայն Գեղեցիկ՝ ...բազում աղաչանօք և խոստմամբ պարգևաց»՝ զալ առ նա ի Նինուէ, կամ առնուլ կնուքեան և իսգաւտել և կամ կտտաւել զկամս ցանկութեան նորա» (ՄեթՂ, 48—49)], գ) ուղիղ խնդրի [«Իսկ նոքա խնդրէին ի կամարար Տեառնէն տարւցուցանել զնոսա յանօրէն յանարժան հարսանեացն պղծութենէն» (Աղաթ., 95), «Պէս-պէս պարզես ասլ խոստանայո» (ՄեթՂ, 211)] և բազմաթիվ այլ գործառույթների։ Հարկ է նշել, սակայն, որ գրաբարյան անորոշ դերբայով արտահայտված ուղիղ խնդիրն իր որոշ կիրառությունների մեջ կորցնում է անկախությունը և հանդես է գալիս եղանակայնության կատեգորիան (категория модальности)<sup>2</sup> ներկայացնող մի շարք բայերի (իշխել, խորհել, յանձն առնուլ, շահել և այլն) դիմավոր ձևերի հետ։ Այդպիսի կառույցների մեջ «կերպա-եղանակային իմաստներն արտահայտվում են դիմավոր բայաձևի միջոցով, իսկ բուն հատկանշառորոգելիական իմաստն արտահայտվում է անորոշ դերբայի միջոցով»<sup>3</sup>։ Այսպես՝ «Յայտնի է ստուգապէս, թէ աստուածոցն ցասուցեալ՝ չկամեցան զիրեանս բարութիւնսն ծանուցանել անմտացն» (ՂԺՊՂ, 40) նախադասության ընդգծված ստորոգյալի առաջին բաղադրիչը (չկամեցան) ունի եղանակիչի արժեք և սոսկ եղանակավորում է անորոշ դերբայի միջոցով արտահայտված հատկանիշը։ Սա նշանակում է, որ գրաբարում անորոշ դերբայը կարող է հանդես գալ նաև որպիսի ստորոգյալի<sup>4</sup> կազմում՝ դառնալով տվյալ բարդության հիմնական իմաստափոխ բաղադրիչը։

Այս ամենից բացի, գրաբարում կան նախադասություններ, որոնց գլխավոր անդամն արտահայտվում է անորոշ դերբայով։ Այսպես՝ «Եւ եղեալ սկիզբն թարգմանելոյ զգիրս նախ յԱռականցն Սողոմոնի, որ ի սկզբանն իսկ ծանօթս իմաստութեանն ընծայեցուցանէ լինել, ասելով, թէ «Ճանաչել զիմաստութիւն և զիշտութիւն, իմանալ զբանն ճանճարոյ» (Կոր., 50) կառույցի ընդգծված նախադասությունների մեջ որպես գլխավոր անդամ հանդես է գալիս միայն անորոշ դերբայը (ճանաչել, իմանալ)։ Այլ կերպ ասած, ընդգծված նախադասություններն անդամ են։ Անդամ կոչվում են բայական այն միակազմ նախադասությունները, որոնց ենթական չկա և չի վերականգնվում, իսկ ստորոգումն արտահայտված է «միմիայն անորոշ դերբայով»<sup>5</sup>։

Անդարդադաշտով ժամանակակից հայերենի միակազմ նախադասություններին, Գ. Զաւահայանը գտնում է, որ «Մոռանալ, մոռանալ ամեն ինչ, Ամենին՝ մոռանալ» (Վ. Տ.)<sup>6</sup>, տիպի նախադասությունները «պետք է համարել անվանական նախադասությունների մի տեսակ և բնենել փոխակերպման մեջ (կրկնակի փոխակերպում՝ դիմավոր ձևի գործառական փոխակերպում)»<sup>7</sup>։

<sup>1</sup> Տե՛ս է՝ Գ. Աղաթան, Ժամանակակից հայերենի հոլովումը և խոսնահումը, Երևան, 1967, էջ 345, և ուրիշներ։

<sup>2</sup> Ա. Մարգարյան, Հայերենի հարադիր բայերը, Երևան, 1966, էջ 377։

<sup>3</sup> Գ. Զաւահայան, Ժամանակակից հայերենի տեսության հիմունքները, Երևան, 1974, էջ 403։

<sup>4</sup> Նույն տեղում, էջ 404։

<sup>5</sup> Վ. Առաքելյան, Հայերենի շտրահյուսություն, Կ. Բ., Երևան, 1964, էջ 38։

<sup>6</sup> Գ. Զաւահայան, Նշվ. աշխ., էջ 394։

պում՝ գոյականացում և վերջինիս ստորոգական փոխակերպում՝ վերածում նախադասության)»<sup>7</sup>։ Նախ ասենք, որ անորոշ դերբայով արտահայտված միտկազմ նախադասությունները բայական պետք է համարել, նկատի ունենալով հենց միայն այն հանգամանքը, որ հոլովման դեպքում նույնիսկ «որպես խոսքի մաս անորոշը մնում է իբրև բայ»<sup>8</sup>։ Բացի այդ, թեև ճշմանալի զիմաստություն և ղխարառ տիպի նախադասությունները անվանականների նման շշունեն ոչ ենթակա և ոչ ստորոգայա<sup>9</sup>, այնուամենայնիվ անվանական անդեմ նախադասություններից ունեն որոշակի տարբերություններ՝ ա) բայական անդեմ նախադասություններն անվանում են դործողություն և ոչ թե առարկա կամ երևույթ, բ) էական բայ-հանգույցի կարիք չի զգացվում սրանց նաև բովանդակության պլանում, մի բան, որ չենք կարող ասել անվանական անդեմ նախադասությունների բովանդակության պլանի մասին [համտ. «Լոն»<sup>10</sup>, բայց՝ «Գարուն (է)»<sup>11</sup>, դ) բայական անդեմ նախադասությունները մեջ Երեմիայովում է գործողություն կատարման ձևով անվանում, զ) եթե բայական անդեմ նախադասությունների բովանդակության պլանում անորոշ դերբայի արտահայտած հատկանիշը ենթադրում է ենթակա, ապա անվանական նախադասությունների ղխավոր անդամը ենթադրում է էական բայ-ստորոգյալ և այլն։

Բայական անդեմ նախադասությունների բովանդակության պլանում առկա է ստորոգման երևույթը, որն իրականանում է հնչյունագի միջոցով։ Այլ կերպ ասած, բայական անդեմ նախադասությունների հնչյունագի ստորոգող քերականական ձևի դեր է կատարում<sup>12</sup>։ Չեզոք հնչյունագի բայական անդեմ նախադասություններ չեն կարող լինել, հակառակ դեպքում զբրանք կլինեն ոչ թե նախադասություններ, այլ՝ բառային միավորներ (եթե արտահայտված են միայն անորոշ դերբայով) կամ բառակապակցություններ (եթե արտահայտված են անորոշ դերբայով և նրա լրացումներով)։

Բայական անդեմ բոլոր նախադասությունների մեջ ղխավոր անդամի կամ նրա որևէ լրացման միջոցով իրականացող ստորոգումը լինում է մասնակի կամ էլ ընդհանրական։ (Ի դեպ, այս փաստը ևս խոսում է անդեմ նախադասությունների մեջ առկա ստորոգման երևույթի մասին)։ Այսպես, երբ որևէ հրաման, հարցում, կոչ (և այլն) ուղղված է որոշակի անձանց, որոնք ներկա են տվյալ խոսքային իրադրության մեջ, ապա այս դեպքում անորոշի արտահայտած հատկանիշն ունի մասնակի բնույթ։ Օրինակ՝ «Եսկ թագաւորն ասէ. «Ոչ ինչ ղաւղաղել» (Կապան, 73) և նման այլ նախադասությունների մեջ, ճիշտ է, չի ենթադրվում, թե որոշակիորեն ում է դիմում խոսողը, սակայն նկատելի է, որ դրանք միայն այն մարդիկ են, որոնք տվյալ պահին կարող էին թագավորի ունկնդիրը լինել։ Իսկ այն դեպքում, երբ խոսողի կողմից արտահայտված հրամանը, հարցումը, տարակուսանքը (և այլն) վերաբերում է ոչ թե ինչ-որ անձանց, այլ բոլորին՝ ընդհանրապես, այս դեպքում տվյալ նախադասությունն ունի հաղորդակցման ընդհանրական արժեք։ Այսպես՝ «Անտառաւ պահէ զաւան յաշխարհէ» (Սարգիս, 71) և այս տիպի բազմաթիվ այլ նախադասությունների ղխավոր անդամի արտահայտած հատկանիշի համար որպես ենթակա են ենթադրվում բոլորն ընդհանրապես։ Հենց այն փաստը, որ մարդկանցից բացի ուրիշ ոչ մի առարկա կամ արարած այս նախադասությունների մեջ չի կարող ենթադրվել որպես գործողության տեր, խոսում է այն մասին, որ այստեղ ստորոգումը կրում է տարբերակված բնույթ։ Այս առումով բայական անդեմ նախադասություններն առնչության եզրեր ունեն ընդհանրական-ղխավոր միակազմ նախադասությունների հետ։ Այսպես, եթե համեմատելու լինենք «Յամենայն աղուղուրեանց Եւրի լինել» (Սարգիս, 543) և «Յաւ աբբե-ցութիւն տաւմելոց և զինի լմղել ցաւագոտաց» (Առակ 14, 6)<sup>13</sup> նախադասությունները, ապա սրանց բովանդակության պլաններում կնկատենք զգալի նույնություններ՝ ա) և՛ առաջին, և՛ երկրորդ նախադասությունները կառուցվածքով միակազմ են, բ) երկուսի մեջ էլ ենթադրվում է անձ ցույց տվող ենթակա, գ) երկուսի մեջ էլ որպես ենթակա ենթադրվում են բոլոր անձերն՝ ընդհանրապես, դ) երկուսի մեջ էլ ստորոգումն ունի ընդհանուր, շտաբերակված բը-

7 Նույն տեղում։

8 Ա. Արա համայն, Բայը ժամանակակից հայերենում, Երևան, 1962, էջ 369։

9 Հ. Հարությունյան, Անդեմ նախադասությունները ժամանակակից հայերենում, Երևան, 1970, էջ 15։

10 Ս. Գյուրգուզյան, Միակազմ նախադասությունները ժամանակակից հայերենում, Երևան, 1967, էջ 29։

11 Աստվածաշնչյան այս և հետագա օրինակները բերված են Վենետիկի 1860 թ. հրատարակությունից։

նույն, և) երկուսի մեջ էլ (հատկապես՝ առաջինի) Գր. Ղափանցյանի խոսքերով ասած, «գործողությունը ոչ թե տրամաբանական ակցիա է, այլ ավելի շուտ կամային-զգացական արտահայտություն»<sup>12</sup>։ Ընդգծված նախադասությունների միջև հիմնական տարբերությունն է հայտնի դայիս գրանյս արտահայտության պլաններում։ Այդ տարբերությունը գլխավոր անդամների արտահայտման ձևն է (առաջինի մեջ ունիմ բայ է, երկրորդի մեջ՝ դիմավոր)։ Կախված արտահայտության սլանից՝ անդամ նախադասությունների մեջ ոչ միայն գործողությունն է... անորոշ, այլև ժամանակը, եղանակը, թիվը, դեմքը<sup>13</sup>։ Բացի այդ, ի տարբերություն ընդհանրական-գիմավոր միակազմ նախադասության գլխավոր անդամի, որը խոսքային մեկ այլ իրադրության մեջ կարող է ունենալ իր որոշակի ենթական [(հմտ. «Արգ՝ տես զինչ պատմ է Մի-գիայն շնորհ հոգուն մարգարտիթեան» (Ագաթ., 193) և «Տես զու, Գրիգորիոս, զի ոչ փրկեաց դեղ սնորի յույն քո» (Ագաթ., 67)], բայական անդամ նախադասության գլխավոր անդամը դուրկ է նման հնարավորությունից։ այն որպես գլխավոր անդամ հանդես է գալիս բացառապես միակազմ նախադասությունների մեջ։

«Աստվածաշնչում» հանդիպում են մի շարք նախադասություններ, որոնց գլխավոր անդամը դիմավոր բայի փոխարեն արտահայտված է անդամ բույանձեղվ Այսպես՝ «Սիրելի՛ք, մի՛ օտարօտի համարել զեռանդն ինչ, որ ի փորձութիւն ձեզ լինիցի» (Ա. Պետր., Գ 12) կառույցի ընդգծված նախադասությունը միակազմ է, քանի որ բայական անդամի դիմավոր լինելու դեպքում ևս այն սխեմ է համարվել միակազմ (հմտ. «Սիրելի՛ք, մի՛ օտարօտի համարեցէք զեռանդն ինչ...»)։ Միևնույն կերպ են արժեքավորվում նաև հետևյալ նախադասությունները՝ «Մի՛ բազում վաճղապետս լինել, եղբա՛րք իմ» (Յակ., Գ, 1), «Այլ ասեմ ձեզ. Ամենկին մի՛ երդնուլ. մի՛ յերկինս, զի աթոռ է Աստուծոյ և մի՛ յերկիր, զի պատուանդան է ոտից նորա» (Մատթ., Ե, 34—35), «Ահաասիկ, ուսուցանեմ էնզ (ընդգծված բառն ընդհանրական արժեք ունի—Գ. և.) զբանս ճշմարիտս և զգիտութիւն՝ հնազանդ լինել պատասխանի տալոյ զբանս ճշմարտութեան...» (Առակ., ԻԲ, 21) և այլն։ Նկատելի է, որ այս տիպի միակազմ նախադասությունների կիրառության ոլորտն ուղղակի խոսքն է։ Սրանք, փաստորեն, ընդհանրական-գիմավոր միակազմ նախադասությունների ընդհանրական-անդամ տարբերակներն են։

Բայական անդամ նախադասությունները նկատելի աղբյուրներ ունեն նաև այլ տիպի միակազմ նախադասությունների հետ։ Դրանք այն նախադասություններն են, որոնց գլխավոր անդամի բաղադրիչներից մեկն անպայմանորեն անորոշ դերբայն է, որն էլ տվյալ կառույցների հիմնական իմաստակիր միավորն է։ Այսպես, համեմատելով բայական անդամ [«Իմանալ զբանս հանճարոյ» (Կոր., 50)] նախադասությունը՝ ա) ՄԻԱԴԻՄԻ ԲԱՅ+ԱՆՈՐՈՇ ԴԵՐԲԱՅ [«Նոյնպէս և վառն եղմաբիտ շոգոյն է իմանալ յանելոյն, թէ շելան է ոչ բաժանի» (Ագաթ., 367)], բ) ԱՆԴ+ՄԻԱԴԻՄԻ ԲԱՅ+ԱՆՈՐՈՇ ԴԵՐԲԱՅ [«Նու այլ անդ է իմանալ զարձեալ, զի կէսքն ունէին թակարգս և արագալս» (Մեթ., 381)], գ) ԲՆՈՒԹԱԳՐԱԿԱՆ ՍԵՌԱԿԱՆ+ՄԻԱԴԻՄԻ ԲԱՅ+ԱՆՈՐՈՇ ԴԵՐԲԱՅ [«Մտաց առատաց է իմանալ զօրէնս» (Առակ., Թ, 10)], դ) ԵՂԱՆԱԿԻԶ ԲԱՆ+ՄԻԱԴԻՄԻ ԲԱՅ+ԱՆՈՐՈՇ ԴԵՐԲԱՅ կամ ԵՂԱՆԱԿԻԶ ԲԱՅ+ԱՆՈՐՈՇ ԴԵՐԲԱՅ [«Մանաբիկ պառնալ տաճն է իմանալ» (Եզն., 146)], ե) ԱՊԱՆԻՆ ԴԵՐԲԱՅ+ՄԻԱԴԻՄԻ ԲԱՅ [«Ոչ պատճառ վնասուն ի բժշկէն իմանալի է, այլ ի բժշմամուն» (Եզն., 48)] կաղապարներով արտահայտվող նախադասությունների հետ (խոսքն ընդգծվածներն են)։ Նկատում ենք, որ համեմատվող բոլոր նախադասությունների իմաստակիր անդամն անդամ բայ է՝ արտահայտված անորոշ կամ ապառնի դերբայով, սակայն եթե բայական անդամ նախադասության մեջ արտահայտվում է գործողության կատարման ընդհանուր գաղափար, ապա մյուսների մեջ այդ ընդհանուր գաղափարն արձանագրվում է միադիմի բայանձեղ միջոցով։ Ընդ որում, խոսողը մասնավորեցնում, եղանակավորում կամ հավաստում-հաստատում է այդ նախադասությունների մեջ արտահայտված գործողությունը։

Անապական բայերով արտահայտված որոշ կառույցների մեջ գործածված անորոշ դերբայն իր լրացումներով պետք է դիտել ոչ թե անդամ նախադասություն, այլ՝ դերբայական դարձված, որը կատարում է նյութական պարագայի գործառնություն։ Այսպես է, օրինակ, հետևյալ նախադասության մեջ՝ «Եւ աղաղակեաց թագաւորն զօրութեամբ՝ ածել զմոզս և զբաղդեայս և զգէտս» (Դան., Ե, 7)։ Այս տիպի նախադասությունների միայն կետադրությունը փոխելով՝ արդյունքում կունենանք միակազմ ստորադաս նախադասություն։ Այսպես, մեր կողմից կե-

12 Գր. Ղափանցյան, Լեզվաբանության ներածություն, հ. 1, Երևան, 1939, էջ 173։

13 2. Հարությունյան, Նշվ. աշխ., էջ 75։



տադրական փոփոխության ենթարկված «Եւ հտ հրաման չորսփեռնէս ծառայից իւրոց, որ կա-  
յիս առաջի նորա. «Ունե՛լ, կապե՛լ, զԱթիոյր և տանե՛լ զնոս ի Բետիղուա» նախապատկութիւնը  
բնագրում ունի հետևյալ տեսքը՝ «Եւ հտ հրաման չորսփեռնէս ծառայից իւրոց... ունել կապել  
զԱթիոյր և տանել զնա ի Բետիղուա» (Յուդ., 2, 7)։

Բայական անդեմ նախադասութիւնների մեջ կարող է արտահայտվել հրաման, պատվի-  
րան, խորհուրդ, կոչ, հորդոր, հարցում, առաջարկութիւն և այլն. և շնայած բայական անդեմ նա-  
խադասութիւնների արտահայտութիւն պլանում բացառվում է բայական եղանակչի առկայու-  
թիւնը, այնուամենայնիվ պետք է ասել, որ խոսողը արտահայտվող գործողութիւն նկատմամբ  
անպայման ունենում է իր որի՛նք գզացումը, որի՛նք վերաբերմունքը։ Հրամանի, կոչի, հարցման և  
այլնի միջոցով խոսողն արտահայտում է գործողութիւն կատարման անհրաժեշտութիւն, կա-  
րելիութիւն, անկարելիութիւն, պարտադրանք, ցանկութիւն, կամք, ձգտում և այլն։ Օրինակ՝  
«Երկրորդ» դատաւարանի ի հեզ գծաւորութիւնն ձեռք» (Մեղ. 2, 318), «Մի՛ ինչ տունել աշտա-  
նօք» (Ա. Տիմ., Ե, 21), «Նեռել միմեանց. շնորհել իրեաց, եթէ ուրուք զումեքէ տրտունը ինչ  
իցէ» (Կորնթ., Ե, 13), «Եւ մի՛ ելաւել ի մուրոյն տառապանս, և մի՛ բնաւ ելանել ըստ իւ-  
րաւանչիւր դուրս» (Բուդ., 64), «Եւ յայտ իսկ էր ի հրամանէ Աստուծոյ՝ աղղ միայն իշխել  
մատաւանքն նմա գողակկաւ պատուազաց, ուր բնակեալ էր Աստուծո՛ ի մէջ մարդկան»  
(Ագաթ., 162—163), «Մի՛ չար փոխանակ չարի հատուցանել կամ բամբասան»՝ ընդ բամբա-  
սանաց, այլ զնորին հեղաւորութիւն՝ օրհնել» (Ա. Պետր., Գ, 9), «Զի բան յերկոցունց վերայ կայ.  
ասէ. «Ո՛ր ուտել միս և ո՛չ ըմպել գինի» (Եղն., 285), «Արդ՝ առաջին է հնազանդութիւն—  
յսն ի երկրիւր գրանս Աստուծոյ, զոր ընդ մեծ բարեգործութիւնս յարգեցունցանէ Եսայի» (Ան-  
ձնացի, 9), «Փաշալերեալք հասանիցեմք ի բարեացն կատարումն ի նշանակեալ նպատակն  
երանելոյն Պօղոսի, եթէ «Միաբան հասանել ի չափ հառակին Քրիստոսի» (Կոր., 82) և այլն։

Գրաբարի բայական անդեմ նախադասութիւնների մեջ (քանի որ դրանց գլխավոր անդամն  
արտահայտութիւն պլանում անդեմ բայ է) արտահայտվում է գործողութիւն կատարման ոչ  
կոնկրետ ժամկետի՝ Սովորաբար այս տիպի նախադասութիւններում արտահայտվում է կա-  
տարելի գործողութիւն գաղափար<sup>14</sup>, որի մեջ ինչ-որ չափով գզացվում է նաև ներկա ժամա-  
նակի ներբերանք, սակայն շատ հաճախ հանդիպում են նախադասութիւններ, որոնց մեջ ար-  
տահայտվում է «ընդհանրական ժամանակի»<sup>15</sup> գաղափար։ Օրինակ՝ «Ստարասէ՛րք լինել ընդ  
միմեանս առանց տրտնչելոյ» (Ա. Պետր., Գ, 9), «Ենդ կրօնս Պիթագորաս»՝ «Զնշաւորաց միս  
չճաշակել և ի գինոյ ժուժակել» (Եղն., 142) և այլն։

Գրաբարում հազվադեպ են հանդիպում բայական անդեմ նախադասութիւններ՝ անկախ  
կիրառութիւնով։ Օրինակ՝ «Մի՛ բազում վարդապետս լինել, երբա՛րք իմ» (Յուդ., Գ, 1), «Օ-  
տարասէ՛րք լինել ընդ միմեանս առանց տրտնչելոյ» (Ա. Պետր., Գ, 9)։ Ընդ որում սրանք լի-  
նում են ընդարձակ, Սովորաբար անդեմ նախադասութիւնները գործածվում են բարդ կա-  
ռուցների մեջ, որտեղ շարադասութիւնը կարող են լինել և՛ նախադաս [«Խնդա՛լ ընդ խըն-  
դացոյս, լա՛լ ընդ լացոյց. զնոյն միմեանց խորհիլքք. մի՛ ամբարտաւանէք, այլ ընդ խոնարհոս  
զիշանիցիք» (Հռոմ., ԺԲ, 15)], և՛ միջադաս [«Արդ՝ մարդոյն եղաւ փոքր պատուէր—ի Ծա-  
ռայն շնաշխելի, զի այնու ի մեծ պատիւ ձգեալ հասցէ» (Ագաթ., 145)], և՛ վերջադաս [«Եւ  
ասէ. «Հապա՛ վաղվադակի գինի և նաշի և զինչ պիտի յուրախութեան հանդիմէ՛» Շրէյցն մա-  
տուցանել զեօրն օր» (Գ. Մակ., 2, 21)]]։

Ինչպես իրավացիորեն նկատում է Ս. Արքահայրն, «Մեկից ավելի գլխավոր տնդա՛մ,  
ունեցող անդեմ նախադասութիւնը կարելի է համարել բարդ համադասական անդեմ նախա-  
դասութիւն»<sup>16</sup>։ Օրինակ՝ «Ճաւաշել զիմաստութիւն և զխաւտ, իմանալ զբանս հաճեալոյ, բն-  
դունել զգարձաւածս քանից և միտ առնուլ զարդարութիւն ճշմարիտ և ուղիւ զիրաւունս»  
(Առաք., Ա, 2—3), «Իբրև գազատս լինել և մի իբրև պատուաւկ շարութեան ունել զագատու-  
րիւնն, այլ իբրև Աստուծոյ ծառայէ» (Ա. Պետր., Բ, 16) և այլն։

<sup>14</sup> Անդրադառնալով ժամանակակից հայերենի անդեմ նախադասութիւններին, Ս. Գրու-  
րուդադյանը բերում է նաև «կատարված գործողութիւն գաղափար» արտահայտող անդեմ նա-  
խադասութիւն օրինակներ (տե՛ս Ս. Գրուրուդադյան, նշվ. աշխ., էջ 128), որպիսիք  
գրաբարում չեն հանդիպում։

<sup>15</sup> Գ. Ջաւահիրյան, նշվ. աշխ., էջ 276։

<sup>16</sup> Ս. Արքահայրն, Եւրոպական հայերենի շարահյուսութիւն մի քանի հարցեր,  
Երևան, 1962, էջ 137։

Ս. Արբաճամյանն իրավացի է նաև այս հարցի շուրջ արած մեկ այլ դիտողության մեջ: «Բարդ ստորադասական անդամ նախադասություններ չեն լինում.— գրում է լեզվաբանը,— բանի որ ստորադասական կառուցվածքի մեջ կարևոր դեր են կատարում այնպիսի քերականական կատեգորիաներ, ինչպիսիք են դեմքը և թիվը, որոնք, սակայն, բացակայում են անդամ նախադասությունների մեջ»<sup>17</sup>։ Հարկ ենք համարում ավելացնել, որ բարդ կառուցների մեջ (երկկազմ նախադասությունների հարեանություն) հանդես եկող բայական անդամ նախադասությունները կարող են լինել և՛ գերադաս [«Եւ ի լուսնոյ վեր զամենայն, ինչ որ է, ամենա նստաբեկ» (Եղև., 142)], և՛ ստորադաս [«Եւ ասէ. «Ձիւմ տեսիլդ մի ումեք յայտենի» (Կաղան., 73)]:

Բայական անդամ նախադասություններից զբաբարում առավել հաճախ հանդիպում են շեշտված-հրամայական բնույթի նախադասություններ։ Առաքելյանը գտնում է, որ անորոշ դերբայի միջոցով արտահայտվող հրամանն «ավելի կտրուկ է, անառարկելի (ընդգծումը մերն է.— Գ. Խ.)», քան դիմավոր բայով արտահայտված հրամայականը...»<sup>18</sup>։ Դա, իրո՞ք, այդպես է, քանի որ անորոշ դերբայի միջոցով արտահայտվող հրամանն ընդհանրական բնույթ է կրում։ Ի՞նչ որովհետև այն չի վերաբերում որոշակի անձի (կամ անձերի), այդ պատճառով էլ մնում է անառարկելի։ Առավել սակավ զբաբարյան աղբյուրներում հանդիպում են բացականչական-ցանկական և հարցական բնույթի բայական անդամ նախադասություններ։ Օրինակ՝ «Ձի՛նչ ունիս և կամ դի՛նչ եգճրի յ մոտի—լինե՛՞լ կցորդ կենաց իմաց, ...»<sup>19</sup>։ Ինչ է մեռանել տարապարտուց ի տարապարտ խորհուրդու բնույթից մտացդ, ուր կասդ իսկ» (Ագաթ., 61)։

Ըստ գործողության կատարման և իրականության միջև եղած հարաբերության՝ բայական անդամ նախադասությունները լինում են հաստատական [«Յայլ երկուս պատուիրանս ամենայն օրէնք և մարգարէք կախեալ կան. նախ՝ սիբել զԱստուածաւրիւնն յամենայն օրով և յամենայն ամօնէ և յամենայն գօրծութեամբ, որ է առաջին» (Ագաթ., 320) և այլն] և ժխտական [«Առաջին՝ շիշել զեմացսնսն ձեռ» (Մեղ.Պ., 318)], «Մի հայել, ասէ, յտեսապելս և ի տոճմաքիս» (Ոսկ., ?)]։ Նկատելի է, որ բայական անդամ նախադասությունների մեջ ժխտման զաղափարն արտահայտվում է ոչ, մի և չ մասնիկների միջոցով, որոնցից առաջինի հետ (որպես թարմատար) հաճախ հանդես է գալիս ինչ անորոշ գերանունը [հմտ. «Ոչ ինչ դանդաղել» (Կաղան., 73)]:

Հինգերորդ դարի զբաբարում բայական անդամ նախադասություններ շատ սակավ են գործածվել։ Բավական է նշել, որ մեր ուսումնասիրած լեզվական աղբյուրներում դրանց ընդհանուր թիվը հիսունից չի անցնում։ Այս տիպի նախադասությունների սակավ կիրառությունը պայմանավորված է այդ աղբյուրների թեմատիկ բնույթով։ Դրանց մեծ մասը (եթե հաշվի առնենք նաև «Աստվածաշնչի» որոշ գրքեր) ունեն պատմական բնույթ։ Այստեղ դեպքերը և երկխոսությունները հիշատակվում են նկարագրական միջոցներով։ Բնականաբար, ուղղակի խոսքերի մեծագույն մասը, որ իրականում կտրող էր արտահայտվել անդամ բայականով, հնդիսակի կողմից գործածվում է անուղղակի տեսքով. ճիշտ է, նորից անդամ բայով, բայց այս դեպքում անդամ բայը կատարում է նպատակի պարագայի գործառնություն [հմտ. «Տայլ հրաման թազաւորն Տըղատ՝ իւրոյ իշխանութեանն յաշխարհաց և ի գաւառաց բազմութիւն մատաղ մանկուոյ ամբել յարուեստ դպրութեան և կարգել ի վերայ հաւատարիմ վարդապետս» (Ագաթ., 437—438) և այլն]։

Ինչ վերաբերում է հետագա դարերին, ապա նկատելի է, որ բայական անդամ նախադասությունների գործածության հաճախականությունը զնալով ավելանում է։ Ժամանակակից հայերենում, օրինակ, դրանք անհամեմատ մեծ թիվ են կազմում՝ հանդես բերելով արտահայտության և բովանդակության պլանների բազմազանություն<sup>19</sup>։

#### ՀԱՄԱՌՈՏԱԳՐՈՒԹՅՈՒՆՆԵՐ

Ագաթ.—«Ագաթանգեղայ Պատմութիւն Հայոց», Տիգրիս, 1909։

Անձևացի—Խոսրով Անձևացի, Մեկնութիւն աղօթից պատարագին, Վենետիկ, 1869։

Բազ.—«Փայտառարի Ռուգանդոցայ Պատմութիւն Հայոց», Ս. Պետերբուրգ, 1883։

Եղև.—«Եղեկայ Կաղապարով Եղծ ուղանդոց», Վենետիկ, 1820։

17 Նույն տեղում, էջ 138։

18 Վ. Առաքելյան, նշվ. աշխ., էջ 40։

19 Այդ մասին ավելի մանրամասն տե՛ս Հ. Հարությունյանի նշված աշխատությունը։

- Կաղան.—Մովսես Կաղանկավազի, Պատմութիւն Ազգանից աշխարհի, Երևան, 1983:  
 Կար.—Կորյուն, Վարդ Մաշտոցի, Երևան, 1941:  
 Ղֆղշ.—«Լազարայ Փարպեցւոյ Պատմութիւն Հայոց և Թուրք առ Վահան Մամիկոնեան»,  
 Տիփլիս, 1904:  
 ՄհԿՊ.—«Մովսէսի խորհնացոյ... Գիրք պիտոյից», Վէնետիկ, 1796:  
 ՄհՊՀ.—«Մովսիսի խորհնացոյ Պատմութիւն Հայոց», Տիփլիս, 1913:  
 Ոսկ.—«Հովհաննու Ոսկեբերանի Մեկնութիւն Թղթոցն Պաղոսի», հ. 1, Վենետիկ, 1862:  
 Սարգիս.—«Սարգսի Վարդապետի Մեկնութիւն Եօթնից Թղթոց Կաթողիկոսայց», Կոստան-  
 դինուպոլիս, 1828:

## ИНФИНИТИВНЫЕ ПРЕДЛОЖЕНИЯ В ДРЕВНЕАРМЯНСКОМ ЯЗЫКЕ

ГУРГЕН ХАЧАТРЯН

### Резюме

Основной особенностью инфинитивных конструкций является то, что здесь функцию предикативности выполняет интонация. Под подлежащим в этих предложениях могут подразумеваться либо все субъекты вообще, либо субъекты, входящие в данные речевые ситуации. Это означает, что в плане содержания информативных предложений предикативность может носить в одних случаях общий, в других—частный характер. Несмотря на то, что в этих конструкциях исключается наличие модальных глаголов, тем не менее в плане содержания все инфинитивные предложения наделены модальностью.

Употребления инфинитивных предложений в грабаре не часты (в произведениях армянских авторов V в. и в «Библии» их число не превышает пятидесяти).